

## পৌল এবং বার্নাবার মত দলগতভাবে আমাদের প্রভুর সেবা করুন

যারা শিশুদের সেবা করেন তাদের অবশ্যই T2b অধ্যায়টি পাঠ করা উচিত।

প্রার্থনা : “প্রিয় প্রভু, যীশু এবং প্রেরিতদের মত যারা আমাদের উদ্যোগ ও কাজে আমাদের দলে যোগ দিতে চায় তাদের সাহায্য করুন।”

আমাদের দলের প্রয়োজন, স্থানীয় রীতি এবং বিশ্বাসীদের ঈশ্বর দত্ত সক্ষমতা অনুসারে কার্যাবলী পছন্দ করুন।

### ১. বিশ্বাসীদের দলগতভাবে সেবা করার জন্য ঈশ্বরের বাক্য দ্বারা প্রস্তুত হন

#### ১ক) বার্নাবা একজন দলগত কর্মী ছিলেন।

বার্নাবা অন্যদের প্রয়োজনের তত্ত্বাবধান করতেন এবং তাদেরকে দলগতভাবে কাজ করার জন্য একত্রিত করতেন। প্রেরিত ৪:৩৪-৩৭ পদে খুঁজে দেখুন, অভাবী লোকদের সাহায্যের জন্য তিনি কি করেছিলেন।

প্রেরিত ১৩:২-৫ পদে খুঁজে দেখুন, আন্তিয়োখিয়া মণ্ডলী দুজনের দলের সদস্য হিসাবে বার্নাবার সঙ্গে কাকে পাঠিয়েছিলেন।



প্রেরিতগণ সাধারণত দুজন করে অথবা ক্ষুদ্র দলে যাত্রা করতেন,

#### ১খ) শাস্ত্রে দলগত এবং ব্যক্তিগত উদ্যোগ

মোশি ইস্রায়েল জাতির প্রাচীনদের সঙ্গে ঘনিষ্ঠভাবে কাজ করতেন এবং ঈশ্বর তাঁকে পরাক্রমের সঙ্গে ব্যবহার করেছিলেন। যাইহোক, তিনি যখন প্রাচীনদের সঙ্গে ব্যতীত একা কাজ করেছিলেন, তখন তিনি লোকদের তাঁকে ক্রুদ্ধ করতে দিয়েছিলেন এবং ঈশ্বর জল উৎপাদনের জন্য তাঁর কাছে যে প্রতিজ্ঞা করেছিলেন, তিনি ক্রুদ্ধভাবে সেই পাথরে আঘাত করেছিলেন (গণনা ২০:২-১২)। ঈশ্বর তাঁকে শাস্তি দিয়েছিলেন।

রাজা দায়ুদ সৈন্যগণ, যাজকগণ এবং ভাববাদীদের সঙ্গে ঘনিষ্ঠভাবে কাজ করে ছিলেন এবং ঈশ্বর তাঁকে পরাক্রমের সঙ্গে ব্যবহার করেছিলেন। একাকীভাবে তিনি উড়িয়ের জীবন এবং তার স্ত্রীকে গ্রহণ করেছিলেন এবং ঈশ্বর তাঁকে শাস্তি দিয়েছিলেন (২ শমু, ১১-১২ অধ্যায়)। একা তিনি বুদ্ধিহীনভাবে যুক্ত রাজ্যের উত্তর এবং দক্ষিণ অংশের জনগোষ্ঠীদের শক্তির তুলনায় তাঁর সৈন্য বাহিনীর লোকদের বয়স অনুসারে শক্তির পরিমাণ গণনা করেছিলেন এবং ঈশ্বর তাঁকে শাস্তি দিয়েছিলেন (২ শমু ২৪)।

রাজা যিহোশাফট সিদ্ধান্ত গ্রহণের জন্য প্রাচীন ইস্রায়েলের ঈশ্বরের ভাববাদীর সঙ্গে পরামর্শ করতেন। তিনিও ঈশ্বরের বাক্য শিক্ষা দানের জন্য গ্রামে গ্রামে দলগতভাবে কাজ করার জন্য কর্মী পাঠাতেন (২ বংশাবলী ১৭:৭-৯)। যাইহোক, অন্য রাজারা একা একা কাজ করে মূর্ত্যাপূর্ণ সিদ্ধান্ত গ্রহণ করতেন, যেমন রাজা আহব যিহোশাফটকে বলেছিলেন যে তিনি যুদ্ধ চলাকালীন তাঁর পরিচিতি গোপন করবেন (১ রাজা ২২:৩০-৩৮)। তিনি লজ্জাকরভাবে মৃত্যুবরণ করেছিলেন।

এলিয় ভাববাদী সাধারণতঃ ভাববাদীদের দল হিসাবে কাজ করতেন, যাদের তিনি প্রশিক্ষণ দিয়েছিলেন। কিন্তু তিনি যখন বুদ্ধিহীনভাবে রাগী ঈশেবলের কাছ থেকে পলায়ন করেছিলেন এবং তার পরিচারককে পশ্চাতে ফেলে চলে গেছিলেন, তখন তিনি একাকী বোধ করেছিলেন। তিনি হতাশা বোধ করেছিলেন এবং ঈশ্বরের কাছে মৃত্যু কামনা করেছিলেন (১ রাজা ১৯)।

যীশু বারজন কর্মীর একটি প্রৈরিতিক দল গঠন করেছিলেন, পরবর্তীকালে পিতর যার নেতা হয়েছিলেন। যীশুর গ্রেপ্তারের পর তারা বিচ্ছিন্ন হয়ে গেছিলেন, পরস্পরের কাছ থেকে পৃথক হয়ে গেছিলেন, পিতর যীশুকে অস্বীকার করেছিলেন (মার্ক ১৪:৬৬-৭২)।

পৌল যখন অন্য কর্মীদের সঙ্গে না নিয়ে যাত্রা করেছিলেন, তখন তিনি কারাগারে বন্দী হয়েছিলেন। যখন তাঁর সঙ্গী তীত অনুপস্থিত ছিলেন, তখন তিনি দুঃখ বোধ করেছিলেন (২ করি ২:১২-১৩)। কিন্তু পরে যখন তীত তার দলে যোগ দিয়েছিলেন, তখন তিনি সাত্বনা লাভ করেছিলেন (২ করি ৭:৫-৭)।

খ্রীষ্ট এবং প্রেরিতগণ সাধারণত একা কাজ করতেন না, বরং তারা অস্থায়ী দল গঠন করতেন।

- দলগুলো এক একটি নির্দিষ্ট কাজের উদ্দেশ্যে গঠিত হত।
- যখন সেই কাজগুলো সম্পাদিত হতো, তখন তারা অন্য কাজে অগ্রসর হতেন, সাধারণত প্রায়ই দলে ভিন্ন ভিন্ন সদস্যরা থাকতেন।
- তারা তাদের দলের সদস্যদের প্রশিক্ষণ দিতেন এবং তারপর তারা তাদের নিজস্ব দল গঠন করতেন।

### ১গ) আন্তিয়খিয়ার দল (বার্ণবা, পৌল এবং সংক্ষিপ্ত সময়ের জন্য যোহন মার্ক)

প্রেরিত ১৩ এবং ১৪ অধ্যায়ে দেখুন, কিভাবে তারা প্রৈরিতিক দল গঠন করতেন এবং তারা কি করতেন।

- প্রেরিত ১৩:১-৩ পদে দেখুন, আন্তিয়খিয়া মণ্ডলীকে প্রেরণকারী মণ্ডলীতে পরিণত করতে সাহায্য করার জন্য ঈশ্বর কি করেছিলেন।
- প্রেরিত ১৩ এবং ১৪ অধ্যায়ে দেখুন, বিভিন্ন লোকেরা কিভাবে কর্মীদের বিরোধীতা করেছিলেন এবং তার ফল কি হয়েছিল।
- প্রেরিত ১৪ অধ্যায়ে দেখুন, এই কর্মীদল কিভাবে নতুন উপাসক মণ্ডলীতে নেতৃবর্গ প্রতিষ্ঠা করেছিলেন।
- প্রেরিত ১৪:২৬-২৮ পদে দেখুন, কিভাবে তারা যা কিছু ঘটছিল তার বিবরণ তাদের প্রেরণকারী মণ্ডলীর কাছে পাঠাতেন।

### ২. সপ্তাহব্যাপী একসঙ্গে কাজ করার জন্য দল গঠনের নিমিত্ত সহকর্মীদের সঙ্গে পরিকল্পনা করুন।

- প্রেরিত হিসাবে কাজ করার জন্য ঈশ্বর আপনার উপাসক মণ্ডলীকে যে কর্মীদের দিয়েছেন তাদের প্রস্তুত করতে সাহায্যের জন্য প্রার্থনা করুন (প্রেরিত কথার অর্থ হল অবহেলিত লোকদের কাছে যাওয়ার জন্য (যাকে পাঠান হয়), যা তিনি ইফিযীয় ৪:১১-১২ পদে প্রতিজ্ঞা করেছেন।
- আপনার সহকর্মীদের সঙ্গে স্থির করুন, নতুন মণ্ডলীকে প্রেরণকারী মণ্ডলীতে পরিণত করতে পৌলকে সাহায্য করার জন্য আপনাদের মধ্যে কে বার্নবা হবেন। প্রার্থনা করুন এবং তাদের ওপর হস্তার্পন করুন।
- প্রৈরিতিক দল গঠন করার জন্য অন্য মণ্ডলীর সঙ্গে সহযোগিতা করুন।
- মেসপালকের কাহিনী পুস্তকের দ্বারা নতুন মণ্ডলী স্থাপনকারীদের প্রশিক্ষণ দিন (পৌল - তীমথি নেতৃত্ব প্রশিক্ষণ)।

### ৩. আগামী আরাধনার বিষয়ে সহকর্মীদের সঙ্গে পরিকল্পনা করুন।

বার্নবার চরিত্র বর্ণনা করুন এবং ঈশ্বর কিভাবে তাঁকে দল গঠন করতে সাহায্য করেছিলেন (ওপরে ভাগ ১ ক)।

ব্যক্তিগত উদ্যোগের সঙ্গে দলগত কাজের তুলনা করুন (ভাগ ১ খ, উপরে)।

আন্তিয়খিয়া দল কিভাবে গঠিত হয়েছিল এবং তারা কি করেছিল, এই বিষয়ের ওপর সংক্ষিপ্ত নাটক করুন (উপরোক্ত ভাগ ১ গ)।

এখানে একটি কর্মীদের কার্যবিবরণ শুনুন যারা সম্প্রতি যীশুর কথা অন্যদের বলার জন্য এবং নতুন উপাসক মণ্ডলী শুরু করার জন্য আপনার সমাজের বাইরে গেছিলেন।

শিশুরা যা কিছু প্রস্তুত করেছেন তা উপস্থাপন করতে দিন।

সপ্তাহব্যাপী আপনি যে সকল কাজ করার বিষয়ে পরিকল্পনা করেছেন তা ঘোষণা করুন (ভাগ ২, উপরে)।

প্রভুর ভোজ সম্পাদনের পূর্বে প্রত্যেককে ব্যক্তিগতভাবে ঈশ্বরের কাছে পাপ স্বীকার করতে বলুন। তারপর গণনা ৯ঃ ১-১৪ পদের গল্পটি কাউতে বলতে বলুন এবং ব্যাখ্যা করতে বলুন যে প্রাচীন ইস্রায়েলের লোকদের কাছে এই নিস্তার পর্বীয় ভোজটির গুরুত্ব প্রভুর ভোজের অনুরূপ ছিল।

পরস্পরের জন্য প্রার্থনা করা, আশ্বাস দান করা, নির্দেশনা দেওয়া এবং সংশোধন করার জন্য দু-তিনজনের কয়েকটি ক্ষুদ্র দল গঠন করুন।

মুখস্থ পদঃ হিতোপদেশ ১১ঃ১৪



পৌল এবং বার্নাবা তাদের প্রথম সুসমাচার অভিযানে সঙ্গ দানের জন্য যোহন মার্ককে স্বাগতম জানাচ্ছেন।